

## UGOVOR ZA NABAVKU USLUGE

### "Izrada projekata za sanaciju dispečerskog centra i terase profesionalne vatrogasne jedinice"

#### I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **AMBIENTA d.o.o.**, ul. Vrbanja br. 4/II, 71000 Sarajevo, koju zastupa direktor Mersad Kapić, (u daljnjem tekstu: **Izvršilac**), ID broj: 4200980070003.

U daljnjem tekstu Ugovora, kada se Naručilac i Izvršilac navode zajednički, tj. zbirno, tada su označeni kao "**Ugovorne strane**".

#### II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Izvršioca, broj: 01-12/22 od 08.12.2022. godine i Odluka o izboru najpovoljnijeg ponuđača za javnu nabavku usluge: "Izrada projekata za sanaciju dispečerskog centra i terase profesionalne vatrogasne jedinice", Naručioća, broj: 06-11-1415-3/22 od 09.12.2022. godine.

#### III PREDMET UGOVORA

##### Član 1.

Predmet ovog Ugovora je nabavka usluge: "Izrada projekata za sanaciju dispečerskog centra i terase profesionalne vatrogasne jedinice", prema Obrascu za cijenu ponude i zahtjevu za dostavu ponude, broj: 06-11-1415-1/22 od 29.11.2022. godine, kao i ponudi Izvršioca broj: 01-12/22 od 08.12.2022. godine, koje čine sastavni dio ovog Ugovora.

#### IV CIJENA I NAČIN PLAĆANJA

##### Član 2.

Ukupna vrijednost ugovorene usluge definisane u članu 1. ovog Ugovora iznosi: 5.265,00 KM (slovima: pethiljadadvijestotinešezdesetpet KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Izvršioca usluge, broj: 134-00111200023-31 otvoren kod ASA banke.

##### Član 3.

Ugovorne strane su saglasne da će Naručilac ukupnu vrijednost iz člana 2. stav 1. ovog Ugovora isplatiti u roku od 10 (deset) dana, nakon izvršene usluge, ako prilikom pružanja usluge Naručilac nema primjedbi na isporučenu uslugu.

## **V ROK I MJESTO ISPORUKE USLUGE**

### **Član 4.**

Rok izvršenja predmetne usluge je najkasnije do 23.12.2022. godine, na adresi ul. Fehima ef. Čurčića br.1, 71000 Sarajevo.

Izvršilac se obavezuje da tri primjerka projekta za sanaciju dispečerskog centra i terase profesionalne vatrogasne jedinice isporuči u printanoj formi, te u elektronskoj formi (wordu i pdf formatu) na mediju za pohranjivanje podataka (CD, DVD, USB i sl.).

### **Član 5.**

Ugovoreni rok isporuke usluge iz člana 4. ovog Ugovora, može se produžiti u slučaju:

- nastanka više sile ili drugih okolnosti koje Izvršilac nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati, niti ih predvidjeti ili spriječiti.

### **Član 6.**

Ugovoreni rok izvršenja usluge zbog nastanka više sile ili drugih okolnosti koje Izvršilac nije mogao predvidjeti može se produžiti i isti odobrava Naručilac, s tim što je Izvršilac dužan da u roku od sedam dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Naručioaca.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u dodatno ugovorenom roku iz prethodnog stava, Kupac ima pravo na raskid Ugovora.

## **VI UGOVORNA KAZNA**

### **Član 7.**

Ukoliko Izvršilac ne izvrši svoje obaveze u predviđenom roku dužan je da za svaki dan zakašnjenja plati ugovornu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Naručioaca neće osloboditi Izvršioaca obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Naručilac zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog dana poslije isteka ugovorenog roka izvršenja.

Obračun i naplata ugovorne kazne izvršit će se umanjnjem računa Izvršioaca za vrijednost obračunate ugovorne kazne.

## **VII OBAVEZE IZVRŠIOCA I NARUČIOCA**

### **Član 8.**

Izvršilac se obavezuje:

- da predmetnu uslugu izvrši kvalitetno u ugovorenom roku, u skladu sa svojom ponudom br. 01-12/22 od 08.12.2022. godine, važećim propisima, pravilima struke, zahtjevima Naručioaca i odredbama ovog Ugovora;



- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva;
- da izvrši eventualne korekcije predmetne usluge prema zahtjevu Naručioca.

#### **Član 9.**

Naručilac se obavezuje:

- da će izvršiti uplatu ukupne cijene vrijednosti ugovorene usluge u visini i na način iz člana 2. ovog Ugovora, u roku utvrđenom u članu 3. ovog Ugovora;
- da će pismeno obavijestiti Izvršioca o svakom eventualnom propustu u odnosu na pitanja utvrđena ovim Ugovorom,
- da će Izvršiocu blagovremeno uputiti zahtjev za eventualnu korekciju predmetne usluge i odrediti primjeren rok za njeno izvršenje.

### **VIII RASKID UGOVORA I NAKNADA ŠTETE**

#### **Član 10.**

Kada jedna ugovorna strana ne ispunji svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

#### **Član 11.**

Ukoliko isporuka ne bude u ugovorenom roku iz člana 4. ovog Ugovora ili u dodatno ugovorenom roku iz člana 6. ovog Ugovora, Kupac zadržava pravo jednostranog raskida Ugovora.

#### **Član 12.**

Jedna od ugovornih strana je dužna u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor. Razlozi za raskid Ugovora mogu biti viša sila, stečaj, likvidacija ili drugi oblik prestanka postojanja Prodavca ili Kupca.

### **IX PRIJELAZNE I ZAVRŠNE ODREDBE**

#### **Član 13.**

Izvršilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### **Član 14.**

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

#### **Član 15.**

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

**Član 16.**

Ovaj Ugovor stupa na snagu danom njegovog obostranog potpisivanja od strane ovlaštenih predstavnika Naručioca i Izvršioca.

**Član 17.**

Ugovor je sačinjen u 5 (pet) istovjetnih primjerka, od kojih Naručilac zadržava 3 (tri), a Izvršilac 2 (dva) potpisana i ovjereni primjerka.

**ZA IZVRŠIOCA  
AMBIENTA d.o.o.  
DIREKTOR**

Me... pić

[Redacted signature]

M.P.  
**ambienta d.o.o.**  
VABANJA 4. SARAJEVO

**ZA NARUČIOCA  
KUCZ KS  
DIREKTOR**

Brkanić

M.P.

[Redacted signature]



Broj: 03-15-12/22  
Sarajevo, 12.12.2022. godine

Broj: 06-11-1415-5/22  
Sarajevo, 12.12.2022.godine